

# Komparativna analiza programskih jezika

## Test 1

**Napomena:** Samo u drugom zadatku je potrebno navoditi tipove svih parametara funkcija. Ukoliko se tipovi ne navode, moguće je osvojiti najviše 80% bodova na tom zadatku.

1. (9 bodova) Napisati tail recursive funkcije **take: int \* 'a list -> 'a list** i **drop: int \* 'a list -> 'a list** koje primaju kao parametre nenegativan cijeli broj  $n$  i listu. Funkcija **take** vraća listu od prvih  $n$  elemenata proslijeđene liste (ako je  $n$  veće od dužine liste, vraća čitavu listu). Funkcija **drop** vraća proslijeđenu listu u kojoj je izbačeno prvih  $n$  elemenata (ako je  $n$  veće od dužine liste, vraća praznu listu). Ukoliko je  $n$  negativan broj funkcije trebaju baciti izuzetak sa adekvatnom porukom. Demonstrirati i poziv funkcija sa hvatanjem eventualnog izuzetka. Funkcije trebaju očuvati redoslijed elemenata unutar liste.

**Napomena:** Ako napisane funkcije nisu tail recursive, moguće je osvojiti maksimalno 50% bodova.

2. (7 bodova) Tip za binarno stablo je definisan na idući način:

```
type 'a binary_tree =  
  | Empty  
  | Node of 'a * 'a binary_tree * 'a binary_tree
```

Implementirati sljedeće:

- a) funkciju **binary\_tree\_map: 'a binary\_tree \* ('a -> 'b) -> 'b binary\_tree** koja prima binarno stablo i funkciju te vraća binarno stablo u kojem je nad svakim čvorom primijenjena proslijeđena funkcija (slično kao *List.map* funkcija za liste). Ovu funkciju iskoristiti za implementaciju funkcije **promijeni\_znak: int binary\_tree -> int binary\_tree** koja promijeni znak svakom čvoru u binarnom stablu (npr. 5 postaje -5). Za implementaciju funkcije koja cijeli broj negira koristiti lambda funkciju;
  - b) funkciju **binary\_tree\_apply\_maps: ('a -> 'a) list \* 'a binary\_tree -> 'a binary\_tree** koja prima listu funkcija i binarno stablo, a vraća binarno stablo u kojem su nad svakim čvorom primijenjene sve funkcije (u istom poretku kao što su navedene) iz proslijeđene liste funkcija. Demonstrirati korištenje ove funkcije.
3. (9 bodova) Matrica u OCaml jeziku se može čuvati u varijabli tipa **int list list**, pri čemu svaki element vanjske liste predstavlja jedan red, a svaki element unutrašnje liste predstavlja broj u tom redu. Npr. matrica sa slike ispod se čuva kao **[[1;2;3]; [4;5;6]]**. Matrica je validna ukoliko ima bar jedan red, bar jednu kolonu, i svaki red ima jednak broj elemenata (npr. matrice **[[1;2;3];[4;5]]** i **[]** nisu validne).

1	2	3
4	5	6

Implementirati sljedeće:

- funkciju ***is\_valid: int list list -> bool*** koja provjerava da li je proslijeđena matrica validna;
- funkciju ***map\_two: 'a list \* 'a list \* ('a \* 'a -> 'a) -> int list*** koja prima dvije liste *l1* i *l2*, te funkciju *f*, a vraća listu *l* u kojoj je  $l[i] = f(l1[i], l2[i])$ ;
- funkciju ***add\_row\_vectors: int list \* int list -> int list*** koja prima dvije liste i vraća listu u kojoj su sabrani odgovarajući elementi te dvije liste (npr. ako su proslijeđene liste ***[1;2;3]*** i ***[4;5;6]*** funkcija treba vratiti listu ***[5;7;8]***);
- funkciju ***add\_matrices: int list list \* int list list -> int list list*** koja prima dvije matrice i vraća matricu koja predstavlja zbir proslijeđene dvije matrice.

**Napomena:** U svim funkcijama u ovom zadatku možete pretpostaviti da su svi parametri odgovarajuće veličine tako da je moguće izvršiti traženu funkcionalnost.